

ԱՐՁԱՆԱԳՐՈՒԹՅՈՒՆ

<<ԱՐՄԵՆ ՍԹՈՈՆ>> ՍՊԸ-ի կողմից նախատեսվող ՀՀ Արարատի մարզի Վեդի համայնքի Գոռավան բնակավայրի վարչական տարածքի Արարատի տրավերտինների և կավերի հանքավայրի <<Սալաքար>> տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ առաջին քննարկում /1-ին լում/ :

Վեդի համայնք Գոռավան բնակավայր:

23.02.2024 թ.

2024 թվականի փետրվարի 21-ին ժամը 15:00-ին ՀՀ Արարատի մարզի Վեդի համայնքի Գոռավան բնակավայրի վարչական ղեկավարի նստավայրում /գյուղ Գոռավան, Գևորգ Մարգալետունի 12/ տեղի ունեցավ <<ԱՐՄԵՆ ՍԹՈՈՆ>> ՍՊ ընկերության /այսուհետ նաև՝ Ընկերություն/ կողմից ներկայացված ՀՀ Արարատի մարզի Վեդի համայնքի Գոռավան բնակավայրի Արարատի տրավերտինների և կավերի հանքավայրի <<Սալաքար>> տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ առաջին հանրային քննարկում /1-ին լում/:

Հանրային քննարկմանը մասնակցում էին ՀՀ Արարատի մարզի Վեդու համայնքապետարանի աշխատակազմի քարտուղար՝ Ն. Ստեփանյանը, գյուղատնտեսության և բնապահպանության բաժնի պետ՝ Շ. Բաքոյանը, համայնքապետարանի աշխատակազմի ստորաբաժանումների ներկայացուցիչներ, Գոռավան բնակավայրի վարչական ղեկավար՝ Դ. Ավետիսյանը և գյուղի բնակիչներ, Ընկերության փոխտնօրեն՝ Ն. Գոմկցյանը և Ընկերության այլ ներկայացուցիչներ:

Հանրային քննարկումը /լումը/ բացեց և խոսքով հանդես եկավ Վեդու համայնքապետարանի աշխատակազմի քարտուղար՝ Հրայր Ստեփանյանը և հայտնեց, որ ՀՀ կառավարության 19.11.2014թ. թիվ 1325-Ն որոշմամբ սահմանված կարգով (այսուհետ նաև՝ Կարգ) կազմակերպվել և իրականացվում է Ընկերության կողմից ներկայացված ՀՀ Արարատի մարզի Վեդի համայնքի Գոռավան բնակավայրի Արարատի տրավերտինների և կավերի հանքավայրի <<Սալաքար>> տեղամասի օգտակար հանածոյի հանքարդյունահանման աշխատանքների շրջակա միջավայրի վրա ազդեցության նախնական գնահատման հայտի վերաբերյալ թվով 1-ին հանրային քննարկումը /1-ին լում/:

Ղեկավարվելով Կարգի դրույթներով, Վեդի համայնքի ղեկավարի կողմից հանրային քննարկումների պատասխանատու է նշանակվել Վեդու համայնքապետարանի աշխատակազմի գյուղատնտեսության և բնապահպանության բաժնի պետ՝ Շ. Բաքոյանը և խոսքը փոխանցվեց վերջինիս:

Վեդու համայնքապետարանի աշխատակազմի գյուղատնտեսության և բնապահպանության բաժնի պետ Շ. Բաքոյանը, նշեց, որ քննարկվող հարցի շուրջ 1-ին հանրային քննարկումն է /1-ին լում/, վերջինս առաջարկեց ձեռնարկողին հանդես գալ համապատասխան զեկույցով, որից հետո կիրականացվեն քննարկումները:

Ելույթ ունեցավ Ընկերության փոխտնօրեն՝ Հ. Գոմկցյանը, վերջինս մասնակի ներկայացրեց ՇՄԱԳ հաշվետվությանը վերաբերող հարցեր, որից հետո անցան քննարկման փուլին:

Վեդու համայնքապետարանի աշխատակազմի գյուղատնտեսության և բնապահպանության բաժնի պետ Շ. Բաքոյանը հարցեր ուղղեց Ընկերության ներկայացուցիչներին՝

1. Հանքավայրը որքան տարածք է զբաղեցնելու .
2. Հանքավայրի տարածքը արոտավայր է, թե՞ ոչ.
3. Արոտավայրի, հողատեսքը ո՞ր կարգի է,
4. Քանի տարով էք վարձակալելու հողատարածքը.
5. Գոռավան բնակավայրից որքան հեռավորության վրա է գտնվում նախատեսվելիք հանքավայրը.
6. Հանքավայրի հումքը հանքավայրից տեղափոխվելու է արդյոք թ՞ե ոչ, և օգտվելու էք արդյոք համայնքային ճանապարհներից.
7. Կանաչապատման Ձեր տեսլականը՝ կլինի արդյոք հանքավայրին փոշեպաշտպան կանաչ գոտի.
8. Ինչպես էք կարգավորելու ծանր բեռնատարների գերբեռնվածությունը.
9. Փոշեզանգվածի կառավարման ինչ մեխանիզմ էք կիրառելու, լինելու է արդյոք ջրցան մեքենա, թե ոչ.
10. Որքան աշխատատեղ է լինելու, և արդյոք ազդակիր համայնքից, բնակավայրից ընդգրկելու էք գործավորներ.
11. Հումքը որտեղ է վերամշակվելու և վերջնական արտադրանք դառնալու.

Հարցերին մասնակի պատասխանեց Ընկերության փոխտնօրեն՝ Հ. Գոմկցյանը հայտնելով, որ ընկերության կողմից նախատեսվում է ստեղծել նոր՝ **10-15** և ավելին աշխատատեղ, ընդգրկելով ազդակիր Գոռավան բնակավայրի և Վեդի համայնքի բնակիչներին:

Նշեց, որ հանքավայրը գտնվում է Արարատի մարզի Վեդի համայնքի Գոռավան բնակավայրի վարչական տարածքում, և նշեց վերջինիս հեռավորությունը հանքավայրից՝ **0.5-1.0** կմ.է: Հանքավայրը գտնվում է բարենպաստ ճանապարհատրանսպորտային պայմաններում:

Հաջորդիվ համայնքապետարանի աշխատակազմի գյուղատնտեսության և բնապահպանության բաժնի գլխավոր մասնագետ՝ Սիմոն Կարապետյանը հարցեր ուղղեց Ընկերության ներկայացուցչին՝

1. Երկրաբանական ուսումնասիրություն արվել է արդյոք թե ոչ.
2. Ուսումնասիրվել կամ ուսումնասիրվելու է արդյոք վարձակալվող տարածքի կենսաբազմազանությունը:
3. Հանքավայրի տարածքը արդյոք մոտ չէ արգելավայրին.

Հարցերին դարձյալ մասնակի պատասխանեց Ընկերության փոխտնօրեն՝ Հ. Գոմկցյանը, ընդ որում չպատասխանված հարցերին կանրադառնան հաջորդ լսմանը:

Հաջորդիվ համայնքապետարանի աշխատակազմի գյուղատնտեսության և բնապահպանության բաժնի գլխավոր մասնագետ՝ Վահրամ Ծատուրյանը հարցեր ուղղեց Ընկերության ներկայացուցչին՝

1. Հաքավայրում հուճքը ինչ եղանակով է արդյունահանվելու, պայթեցում լինելու է արդյոք թե ոչ.
2. Մոցիալ-տնտեսական ինչ ծավալի ներդրումներ եք պատրաստվում անել ազդակիր համայնքում.

Հարցերին դարձյալ մասնակի պատասխանեց Ընկերության փոխտնօրեն՝ Հ. Գոմկցյանը, ընդ որում չպատասխանված հարցերին կանրադառնան հաջորդ լսմանը:

Աշխատանքներն իրականացվելու են լեռնատեխնիկական միջոցներով /փխրեցում/, պայթեցման աշխատանքներ չեն լինելու:

Նախագահողը հարցրեց, թե արդյո՞ք ազդակիր Վեդի համայնքի բնակիչների կողմից կան հարցեր, թե՞ ոչ: Հաշվի առնելով լսարանի դիրքորոշումը՝ հայտարարեց լսման ավարտ:

Կից ներկայացվում է մասնակիցների ցանկը՝ 1 թերթ և հանրային քննարկումների էլեկտրոնային կրիչը:

Վարող՝ Գյուղ. և Բնապահ. Բաժնի պետ՝



Շ. Բաբոյան

Նախաձեռնող՝ «ԱՐՄԵՆ ՍԹՈՈՆ»
ՄՊԸ-ի տնօրեն՝



Կ. Գոմկցյան